

ხელშეკრულება
სახელმწიფო შესყიდვების შესახებ N024/2022
(ელექტრონული ტენდერი NAT220013716)

ქ. თბილისი

29 ივლისი 2022 წელი

1. ხელშეკრულების მხარეები

ერთის მხრივ სსიპ - საქართველოს კონკურენციის ეროვნული სააგენტო (შემდგომში - შემსყიდველი), წარმოდგენილი ადმინისტრაციული დეპარტამენტის უფროსის რევაზ კავთელიშვილის სახით და მეორეს მხრივ შპს „იუ-ჯი-თი“ (შემდგომში - მიმწოდებელი) წარმოდგენილი მისი გენერალური დირექტორის ერმილე სულაძის სახით, ვხელმძღვანელობთ რა „სახელმწიფო შესყიდვების შესახებ“ საქართველოს კანონისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანების შესაბამისად, გამოცხადებული ელექტრონული ტენდერის (NAT220013716) პირობების დაცვით ვდებთ წინამდებარე ხელშეკრულებას და ვთანხმდებით შემდეგზე:

2. ხელშეკრულების საგანი

2.1. შემსყიდველის მიერ ჩატარებულ ელექტრონულ ტენდერში (NAT220013716) გაიმარჯვა შპს „იუ-ჯი-თი“-ს სატენდერო წინადადება, რომლის თანახმად, მიმწოდებელმა აიღო ვალდებულება მიაწოდოს შემსყიდველს 15 ცალი A4 ფორმატის მრავალფუნქციური შავ-თეთრი ლაზერული პრინტერი (CPV 30232110) HP LaserJet Pro MFP M428dw (იხ. დანართი N1 - ტექნიკური მახასიათებლები და დანართი N2 - ფასების ცხრილი).

3. ხელშეკრულების ღირებულება

- 3.1. შესასყიდი ობიექტის ფასი განისაზღვრება ეროვნულ ვალუტაში;
- 3.2. შესასყიდი მომსახურების ღირებულება (შემდგომში „ხელშეკრულების ღირებულება“) შეადგენს 18300.00 (თვრამეტი ათას სამასი ლარი და 00 თეთრი) ლარს.
- 3.3. დაფინანსების წყარო: სააგენტოს 2022 წლის საბიუჯეტო სახსრები.

4. შესასყიდი ობიექტის ხარისხი

- 4.1 მიმწოდებელი პასუხისმგებლობას კისრულობს, რომ მოწოდებული საქონელი შეესაბამება სატენდერო განცხადებით მოთხოვნილ ტექნიკურ სტანდარტებს და ნორმებს, ხოლო რაოდენობა წინამდებარე ხელშეკრულების პირობებს.
- 4.2 მიმწოდებელი აცხადებს, რომ შესასყიდი საქონელი არის უფლებრივად და ნივთობრივად უნაკლო ქარხნული შეფუთვით და იღებს პასუხისმგებლობას მისი წარმოშობის კანონიერებაზე.
- 4.3. მიწოდებულ საქონელზე უნდა ვრცელდებოდეს გარანტია შესაბამისი მიღება-ჩაბარების აქტის გაფორმების დღიდან 1 (ერთი) წელი

5. შესყიდვის ობიექტის მიწოდების ვადა, ადგილი და პირობები

- 5.1 შესყიდვის ობიექტის მიწოდება განხორციელდება ხელშეკრულების გაფორმებიდან 10 (ათი) სამუშაო დღის ვადაში.
- 5.2 მიწოდების ადგილი – ქ.თბილისი, დ. აღმაშენებლის გამზირი N154.
- 5.3 შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით.

6. შესასყიდი ობიექტის მიღება-ჩაბარების წესი

- 6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტით, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2 თუ აღმოჩნდება, რომ შესყიდვის საგანი უხარისხო ან ნაკლოვანია, მიმწოდებელი უზრუნველყოფს ნაკლოვანი ან უხარისხო საქონლის შეცვლას.

6.3 საქონლის მიღება-ჩაბარებაზე უფლებამოსილი პირ(ებ)ი არიან სსიპ - საქართველოს კონკურენციის ეროვნული სააგენტოს პასუხისმგებელი პირ(ებ)ი, რომლებიც მიღებას ახორციელებენ ინსპექტირების განმახორციელებელი პირ(ებ)ის თანდასწრებით.

6.4 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

7. ანგარიშსწორება

7.1 მიწოდებულ საქონელზე საბოლოო ანგარიშსწორება განხორციელდება მიღება-ჩაბარების აქტის გაფორმებისა და შესაბამისი საგადასახადო დოკუმენტის წარმოდგენიდან 10 (ათი) სამუშაო დღის ვადაში.

7.2 თუ მიმწოდებელს ნაკისრი ვალდებულებების არაჯეროვნად შესრულების გამო დაეკისრება პირგასამტეხლო, ანგარიშსწორება განხორციელდება შემსყიდველისათვის პირგასამტეხლოს თანხის ჩარიცხვიდან 10 (ათი) სამუშაო დღის განმავლობაში.

7.3 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

8. მხარეთა უფლება-მოვალეობანი

8.1. „შემსყიდველი“ ვალდებულია:

8.1.1. ხელშეკრულებით გათვალისწინებული საქონლის მოწოდებისას საქმის კურსში ჩააყენოს „მიმწოდებელი“ ყველა განსაკუთრებული გარემოების შესახებ;

8.1.2. ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ საქონლის ღირებულება;

8.2. „შემსყიდველს“ უფლება აქვს:

8.2.1. შეამოწმოს მიწოდებული საქონლის ხარისხის შესაბამისობა სატენდერო მოთხევნებსა და ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

8.2.2. მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3. მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.2.4. მოსთხოვოს მიმწოდებელს ნაკლოვანი ან უხარისხო საქონლის შეცვლა ან ნაკლის აღმოფხვრა.

8.3. „მიმწოდებელი“ ვალდებულია:

8.3.1. დაიცვას ხელშეკრულებით გათვალისწინებული ყველა პირობა;

8.3.2. მიაწოდოს შემსყიდველს ამ ხელშეკრულების 2.1 მუხლში აღნიშნული საქონელი და მასთან დაკავშირებული დოკუმენტები საკუთრებაში.

8.3.3. ხელშეკრულებით გათვალისწინებული საქონლის მიწოდებისას საქმის კურსში ჩააყენოს „შემსყიდველი“ ყველა განსაკუთრებული გარემოების შესახებ;

8.3.4. აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

8.3.5. საკუთარი ხარჯებით შეცვალოს შემსყიდველის მიერ გამოვლენილი უხარისხო საქონელი ან აღმოფხვრას არსებული ნაკლი.

8.4. „მიმწოდებელს“ უფლება აქვს:

8.4.1. მოსთხოვოს „შემსყიდველს“ მიწოდებული საქონლის ღირებულების ანაზღაურება ხელშეკრულებით

გათვალისწინებული პირობებით;

8.4.2 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

9. ხელშეკრულების პირობების შეუსრულებლობა

9.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო სახელშეკრულებო ღირებულების 0.2%-ოდენობით;

9.2 იმ შემთხვევაში, თუ მიწოდების ვადაგადაცილება იქნება 10 კალენდარულ დღეზე მეტი შემსყიდველს უფლება აქვს ცალმხრივად შეწყვიტოს ხელშეკრულება;

9.3 ხელშეკრულებით ნაკისრი ვალდებულებების არასრულად ან არაჯეროვნად შესრულებისთვის მიმწოდებელი ჯარიმდება ხელშეკრულების ჯამური ღირებულების 5%-ის ოდენობით.

9.4 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

10. ხელშეკრულების ინსპექტირების პირობები

10.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;

10.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;

10.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;

10.4. ხელშეკრულებით განსაზღვრული პირობების კონტროლს განახორციელებს სააგენტოს ადმინისტრაციული დეპარტამენტის უფროსი - რევაზ კავთელიშვილი.

10.5. ინსპექტირება გულისხმობს „მიმწოდებლის“ მიერ ხელშეკრულების პირობების შესრულების კონტროლს ნებისმიერ ეტაპზე.

11. ხელშეკრულების შეწყვეტა

11.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;

11.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

11.4. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.4.1. თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2. მიმწოდებლის გაკოტრების შემთხვევაში;

11.4.3. მხარეთა შეთანხმებით;

11.4.4. საქართველოს კანონმდებლობით გათვალისწინებულ სხვა შემთხვევებში.

12. ხელშეკრულების პირობების გადასინჯვა

- 12.1. მხარეები უფლებამოსილი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;
- 12.2. ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;
- 12.3. დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „სახელმწიფო შესყიდვების განხორციელების წესის შესახებ“ დებულებით გათვალისწინებული შემთხვევებისა;
- 12.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;

13. ფორსმაჟორი.

- 13.1. მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;
- 13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;
- 13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან;

14. ხელშეკრულების მოქმედების ვადა

- 14.1. ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2022 წლის 31 დეკემბრის ჩათვლით;

15. დავები და მათი გადაწყვეტის წესი

- 15.1. წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;
- 15.2. თუ „შემსყიდველი“ და „მიმწოდებელი“ მოლაპარაკების დაწყებიდან 30 (ოცდაათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით;

16. სხვა პირობები

- 16.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით;
- 16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 16.4. წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;
- 16.5. წინამდებარე ხელშეკრულება არ შეიცავს არანაირ სიტყვიერ დამატებას.
- 16.6. დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად.
- 16.7. მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 16.8. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;
- 16.9. ხელშეკრულება შედგენილია ელექტრონული ფორმით 2 (ორი) თანაბარი იურიდიული ძალის მქონე პირად, ქართულ ენაზე. ერთი პირი ინახება შემსყიდველთან, ხოლო მეორე პირი მიმწოდებელთან;
- 16.10. გამარჯვებული პრეტენდენტის სატენდერო წინადადება და დანართები შეიძლება თან არ დაერთოს წინამდებარე ხელშეკრულებას, მაგრამ წარმოადგენენ მის განუყოფელ ნაწილს;

17. მხარეთა ხელმოწერები და რეკვიზიტები

„მიმწოდებელი“

„შემსყიდველი“

შპს „იუ-ჯი-თი“

ს/კ – 204892964

მისამართი: ქ. თბილისი, ი.ჭავჭავაძის გამზ #17ა

ტელეფონი: 2 220505

საბანკო რეკვიზიტები: სს „საქართველოს ბანკი“

ბანკის კოდი: BAGAGE22

ანგარიშის N GE88BG 0000 0002 6164 4601

სსიპ-საქართველოს კონკურენციის ეროვნული სააგენტო

ს/კ - 205310938

მისამართი: ქ. თბილისი, დ. აღმაშენებლის გამზ. N154

ტელეფონი: 2 440-770 (2075)

საბანკო რეკვიზიტები: სახელმწიფო ხაზინა;

ბანკის კოდი: TRESGE22;

ხაზინის ერთიანი ანგარიში;

გენერალური დირექტორი
ერმილე სულაძე

ადმინისტრაციული დეპარტამენტის უფროსი
რევაზ კავთელიშვილი

პრინტერი:		
1	ბეჭდვის ტიპი: შავ-თეთრი	ბეჭდვის ტიპი: შავ-თეთრი
2	ტექნოლოგია: ლაზერული	ტექნოლოგია: ლაზერული
3	პირველი გვერდის ამობეჭდვის დრო: არაუმეტეს 6.5 წამი	პირველი გვერდის ამობეჭდვის დრო: 6.3 წამი
4	ბეჭდვის სიჩქარე: მინიმუმ 38 გვ/წუთში ან მეტი	ბეჭდვის სიჩქარე: 38 გვ/წუთში
5	პრინტერის გარჩევადობა: არანაკლებ 1200 x 600 dpi ან მეტი	პრინტერის გარჩევადობა: 1200 x 600 dpi
6	ფორმატი: A4, დამატებით დასაშვებია მცირე ფორმატების ბეჭდვის ფუნქცია	ფორმატი: A4, დამატებით დასაშვებია მცირე ფორმატების ბეჭდვის ფუნქცია
7	საქადალდე უჯრა: მინიმუმ 150 ფურცელი ან მეტი	საქადალდე უჯრა: 250 ფურცელი
8	საკომუნიკაციო პორტები: USB და RJ45 სავალდებულოა	საკომუნიკაციო პორტები: USB და RJ45 გააჩნია
9	პრინტერს უნდა მოყვებოდეს არანაკლებ 1.5 მეტრი სიგრძის კომპიუტერთან დამაკავშირებელი USB ტიპის კაბელი	პრინტერს მოყვება 1.5 მეტრი სიგრძის კომპიუტერთან დამაკავშირებელი USB ტიპის კაბელი
10	ოპერატიული მეხსიერება: მინიმუმ 512MB ან მეტი	ოპერატიული მეხსიერება: 512MB
11	მაქსიმალური დატვირთვის ციკლი თვეში : არანაკლებ 80000 გვერდი ან მეტი	მაქსიმალური დატვირთვის ციკლი თვეში : 80000 გვერდი
12	ფურცელზე ორმხრივად ბეჭდვა: აუცილებელია	ფურცელზე ორმხრივად ბეჭდვა: გააჩნია
13	შემომავალი დენი: დააკმაყოფილოს 220 V-დან 240 V-ის ჩათვლით	შემომავალი დენი: აკმაყოფილებს 220 V-დან 240 V-ის ჩათვლით
14	ოპერაციულ სისტემებთან თავსებადობა: Windows, Linux, Mac OS	ოპერაციულ სისტემებთან თავსებადობა: Windows, Linux, Mac OS
ასლის გადაღება:		
15	ასლის გადაღების სიჩქარე: მინიმუმ 38 გვ/წუთში ან მეტი.	ასლის გადაღების სიჩქარე: 38 გვ/წუთში
16	ასლის გადაღების გარჩევადობა: 600 x 600 dpi ან მეტი	ასლის გადაღების გარჩევადობა: 600 x 600 dpi
სკანერი:		
17	სკანერის ტიპი: Flatbed, ADF (ფურცლის ავტომატური მიმწოდებელი)	სკანერის ტიპი: Flatbed, ADF (ფურცლის ავტომატური მიმწოდებელი)
18	სკანერის გარჩევადობა : 1200 x1200 dpi ან მეტი	სკანერის გარჩევადობა : 1200 x1200 dpi
19	სკანირების სიჩქარე: 29 გვ/წუთში ან მეტი	სკანირების სიჩქარე: 29 გვ/წუთში
20	დასკანირებული ფაილის ფორმატი: PDF სავალდებულოა	დასკანირებული ფაილის ფორმატი: PDF

„მიმწოდებელი“

შპს „იუ-ჯი-თი“

ს/კ – 204892964

გენერალური დირექტორი

ერმილე სულაძე

„შემსყიდველი“

სსიპ-საქართველოს კონკურენციის ეროვნული სააგენტო

ს/კ - 205310938

ადმინისტრაციული დეპარტამენტის უფროსი

რევაზ კავთელიშვილი

2022 წლის 29 ივლისის N024/2022 ხელშეკრულების დანართი N2 ფასების ცხრილი

N	შესასყიდი საქონელი	რაოდენობა	ერთეულის ფასი (ლარი)	მთლიანი ჯამური ღირებულება (ლარი)	ბრენდისა და მოდელის დასახელება	წარმოშობის ქვეყანა	საგარანტიო ვადა
1	A4 ფორმატის მრავალფუნქციური შავ-თეთრი ლაზერული პრინტერი	15	1220	18300.00	HP LaserJet Pro MFP M428dw	ჩინეთი	მიღება- ჩაბარების აქტის გაფორმებიდან 1 (ერთი) წელი

„მიმწოდებელი“

შპს „იუ-ჯი-თი“

ს/კ – 204892964

გენერალური დირექტორი

ერმილე სულაძე

„შემსყიდველი“

სსიპ-საქართველოს კონკურენციის ეროვნული სააგენტო

ს/კ - 205310938

ადმინისტრაციული დეპარტამენტის უფროსი

რევაზ კავთელიშვილი